

ՀՈՎՀ. ԹՈՒՄԱՆՅԱՆԻ ԵՎ ԱՐԴԻԱԿԱՆՈՒԹՅՈՒՆԸ

Ս. Բ. ԱՂԱԲԱԲՅԱՆ

Պատմության ամեն մի ժամանակաշրջան բնորոշվում է նաև այն բանով, թե ինչ վերաբերմունք ու հայացք ունի անցյալի մտածողների ու գեղարվեստագետների հանդեպ. ում է մոռացության մատնում, ում է «մեռածների» շարքից, հարության օրենքով, լույս աշխարհ հանում, ում է հիշում միայն ծննդյան հանդիսավոր օրերին և ում է դիմում ամեն «աստծո օր»՝ նրանից ստանալու մարդուն, կյանքին, հայրենիքին, աշխարհին վերաբերող հարցերի սպառիչ ու իմաստուն պատասխանները:

Հայրենական պատմության անհամար ու հիշարժան երևույթներից «ամենօրյա դիմումի» բախտին արժանանում են միայն այն եղակիները, ովքեր իրենց գործի մեջ բյուրեղացնում են դարերի իմաստությունն ու հասնում են մարդկային ողու կատարներին, ովքեր, խորացնելով սերունդների հոգևոր փորձը, աղեղ են կապում աշխարհի բիրլիական ծայրերի և իրենց ժամանակի անցուղարձի միջև:

Հայ ժողովրդի բաղմադարյան պատմության մեջ այդպիսի անուններ են՝ Մեսրոպ Մաշտոցը՝ հայոց գրերի գյուտով, Մովսես Խորենացին՝ հայոց պատմության գյուտով, Վրիգոր Նարեկացին՝ աստծո իշխանության հետ վեճի բռնըված մարդու ոգու գյուտով, Խաչատուր Աբովյանը՝ աղատագրության սրի ու աղ-գային զարթոնքի գյուտով, Հովն. Թումանյանը՝ հայրենիքի ու ժողովրդի միասնության գյուտով, Եղիշե Չարենցը՝ հեղափոխության գյուտով:

Այս անունները մեծ ու անմահ են նախ և առաջ պատմության ճակատագրական պահերի բացառիկ խոր նախադացողությամբ, այն նետի «նշանի ահագնությամբ», որը «հանճարներ է սերում» և այն վարար լույսով, որը ճեղքելով ժամանակի վրա թանձրացած մշուշը, ջահի նման բացում է ժողովրդը հավերժության ճանապարհը: Անցյալի հոգևոր արժեքներից իրավացիորեն մտքի ու ոգու այս տեսանողներն ու «գյուտարարներն» են ստանում մեր արդիականության առաջին մեծարանքները:

Հովհ. Թումանյանին են իրավացիորեն հասցեագրվել Չարենցի այս տողերը.

Նա մեծ էր ավելի, քան եղավ:— Իրկընքի նման ընդարձակ,
Օվկիանի նման՝ իր ոգին ընդգրկել էր կյանքը ամենգր:—
Իվ ոգու ավերին նստած՝ նա նայում էր հայացքով պայծառ,—
Իվ որսում էր երգեր ու խոհեր, և տեսնում էր շքնաղ երազներ...

Հայ ժողովրդի արդիականությունը, ներքին կարիքով ու շարունակաբար, առեն օր ու ամեն ժամ, կանգնում է Հովհ. Թումանյանի կողքին, նրա հրահանգած ժողովրդական արմատների մեջ, նրա մտքի դասական բյուրեղացումների մեջ, նրա բիրլիական պարոսի մեջ վերադառնելու իր ուժի և կենսունակության խորհուրդները:

Ամեն օր ու ամեն ժամ, իր սովորական ու տոնական անցուղարձին, հալ ժողովուրդը դիմում է Հովհ. Թումանյանի ստեղծագործության անսպառ ընդերքին, նրանից քաղելով իր արդիականության ու գալիքի հոգևոր ոնսուրսները՝ մարդու, կյանքի և աշխարհի սլաշտամունք, դեղեցկության և բարվոբանական հավատ, ազդալին գոյության սլաշծառատեսություն, ժողովրդի սլատմական ճանսլարհների տրամաբանություն, ազգերի եղբայրության սլատգամ...

Ամեն անղամ, երբ նորից ու նորից վերաղառնում ես հայրենական հարկի նման սովորական ու հարաղատ դարձած «Թումանյանի սլալատը», դարմանում ես նրա արվեստի մաբրությունը ու ջինջ սլարգությունը, նրա բարոյաղիտության բարձրությունը, նրա փիլիսոփայական խորհուրդների իմաստությունը, ժողովրդի կյանքի խոր ճեղքվածքները՝ սոցիալական ու ազգային ցավերը, հաղթահարելու նրա սլատեսությունը, մաբաոոդ ողու նրա ճախրանքով, նրա ստեղծագործության մեկ ծայրից մյուսը կայծակոդ մարդկայնության վեհությունը:

Այս բոլորը հոգեկան սլն բարձր արժեքներն են, որ Թումանյանի ժամանակի ազգային կյանքի կնիքով ու դարկերակով անցան մեր ժամանակին, մտան արդիականության հոգևոր շտեմարանները, գրանով էլ հաստատելով իր ժամանակի սլրոդ խնդիրներով վերասլրոդ արվեստի հավերժության ու ճշմարտության օրենքը:

Հովհ. Թումանյանը հայոց սլատմության սլն սլատգամսլոսներից մեկն է, որ իր հոգու սլաշծառ լույսը գցում է սերունդների ուղիներին, որ հաղար ու մի ձևով սլարում է հասարակական ինքնաղիտակցության մեջ, ժողովրդի շնչի ու երաղների մեջ: «Լև Տոլստոյը,— գրել է Թումանյանը ոոուսական հոդի մեծ սրոդի մահվան աոիթով,— կարոդ էր մի հայացքով ու մի գրվածքով սմփոփել կյանքը, աղաին տարածությունը սլրա՝ վերից մինչև ներքև, արտաբին կեղևից մինչև սմենածածուկ խորշերը»:

Նույն բանը կարոդ ենք սսել Թումանյանի՝ կյանքի հսկա փիլիսոփայի մասին:

*

Սերունդներին թողած Թումանյանական բանաստեղծական կտակը սլնքր սլնքան մեծ կշիռ ու արժեք ունի, որ մեր արդիականությունն սլդ կտակի մեջ գտնում է իր էությունը համահնուն բարձր գաղափարներ, իր սլացումներին անհրաժեշտ խորունկ սլատգամներ, իր ողուն հարաղատ ոսկե խորհուրդներ:

Սա սմենից առաջ վերաբերում է մարդու և կլաեֆի ներղաշնակուրյան սլն գաղափարին, որ հաղվագյուտ մի խորությունը արտահայտություն է գտել Թումանյանի գեղարվեստական աշխարհում:

Պատմության խաոր և հանելուկային տարիներին, ազգային համատարած ողբերգության և սոցիալական համատարած հալածանքի ժամանակ,— սլսսլիսին էր Թումանյանի սլրած ժամանակի լմրլեմը,— նա ոչ միայն շփարեց 20-րդ դարամոտին լայն տարածում գտած «կործանվոդ մարդու» փիլիսոփայության անհամար տարատեսակներին ու «կյանքի ունայնություն» նորղարյա ուսմունքներին, ոչ միայն շտրվեց ժամանակի մեջ խոր ակոսներ բացած հուսահատության հոսանքին, սլլև եղակի մի հավատով փառարանեց գոյության աղբյուրները և մեծաբեց մարդուն:

Այն տարիներին, երբ ճգնաժամը հասել էր լարման բարձրակետին, երբ ամենուրեք մթնոլորտը լցվել էր մեռելոցի կանչերով և «ունայն աշխարհի» խզված նվաղներով, երբ շատերի աչքին աշխարհը երևում էր որպես անվախճան քառսի թագավորություն ու մթին հանելուկ,— այդ տարիներին Թումանյանը դրում է իր լեղենղներն ու բանաստեղծությունները, պոեմներն ու քառյակները, կյանքի փառաբանության ու մարդու մեծարման մեջ հասնելով համարյա աստվածաշնչյան հանդիսավորության:

Ռուսական ազգային ողու մեծ գյուտարարը՝ Պուշկինը, նիկոլայեյան Ռուսաստանի ամենամոռյալ ժամանակներում կենաց մշտադալար ծաղր-համարում էր «հոգու զվարթ աշխարհը» («Веселый мир души») և ողու ինքնակալությունը:

Մոտավորապես մեկ հարյուրամյակ հետո հայ ազգային ողու գյուտարարը ձայնակցում էր Պուշկինին, հրապարակ հանելով մարդու մեծության այս հրուարտակը.

Եվ ես իմաստուն ու բեռնա թեթև...

Աշխարհի զվարթությունը սահմանող այս խորհուրդը անակնկալ մի բան է՝ Թումանյանի համար: Դա նրա ստեղծագործության ուղն ու ծուծն է, նրա բովանդակ էությունը.

Մենք իմաստուն— սիրենք, խնդանք,

Կյանքը էս է, ինչ որ կա...

«Թեթև բեռի» ու «խնդության» մասին է խոսում մեկը, որի սուր, արթուն ականջներում էր ժողովրդի ողբերգական աղաղակը, աչքերի առաջ էր նրա արյունով ներկված արդիականությունը և ուսերին էր հայրենի վիշտը:

Հայ գրականության թերևս ամենախոր պարադոքսներից է Թումանյանի «թեթև բեռի» փիլիսոփայությունը: Մանավանդ, երբ գիտենք, որ նրա ստեղծագործությունն ամբողջությամբ, ծայրից ծայր, ներծծված է հայ գյուղացու խոր ցավերով, պատմության մեծ հալածականի՝ հայ ժողովրդի, աղետալի ճակատագրով, ժամանակի կապանքներով շղթայված մարդու հոգեկան փրկվածքներով:

Ինչո՞ւ է բացատրվում այս «պարադոքս»:

Նախ և առաջ կյանքի, մարդու և ժողովրդի հանդեպ ունեցած հավատի մեծ մասշտաբներով:

Թումանյանը ամենից լավ գիտեր անկատար մարդուց մինչև մեծ, անթերի, ներդաշնակ մարդը ընկած տարածությունը, ամենից խորն էր վերապրում հայրենիքի հոգեհանգստյան ու հոգեվարքի ժամերը, ամենից սուր էր տեսնում կյանքի մեջ եղած քառսն ու աններդաշնակությունը:

Բայց նա ամենից լավ գիտեր նաև, որ գրականությունը կոչված է հերքելու անկատար ու աններդաշնակ կյանքը, ամենից լավ էր դգում, որ ստեղծագործության լույսը կոչված է պարզել աշխարհի ղեղեցկությունը, կյանքի գերադանցությունը, մարդու զգացմունքների հարստությունը:

Դրա համար էլ նա դարձավ աշխարհի, կյանքի, մարդու օրհներգուն՝ այս հասկացության ամենուրեք բովանդակությամբ:

Թումանյանը և Տոլստոյին անվանել է «մեծ դժգոհներ»: Իրեն էլ կարելի է համարել հայ իրականության մեծ դժգոհն ու զանգատալուրը:

Նա դժգոհ էր ամեն ինչից՝ սոցիալական անարդարությունից, պատմության մեջ ծավալվող շարիքներից, ժամանակի բարբերից, աշխարհի անբանական կառուցվածքից: Դժգոհ էր մարդկային պղտոր ու վայրենի կրքերից, մարդու մանրացումից: Դժգոհ էր «չեն ու լեն աշխարհը» շարությամբ պատող ուժերից: Նրա աշխարհի հոգեկան փաստաթղթերը լի են ճակատագրի, ժամանակի դեմ ուղղված գանգատներով, բողոքներով, ընդվզման ու ծառացման խոսքերով: Եվ, այդուամենայնիվ, հայ իրականության մեծ ծառացողը ոչ թե անիծում էր աշխարհն ու կյանքը, այլ օրհներգում էր ու խոնարհվում աշխարհի տիեզերական խորության առաջ, կյանքի անչափելի մեծության առաջ, Մարդու բանականության առաջ:

Թումանյանի աշխարհասիրության ու մարդասիրության մեջ, որը էթիկական մի վերջավորված ուսմունք է, ամենավճռական դործոնը աշխարհին ու կյանքին, ժողովրդի տված գնահատականների անհերքելի փորձն էր: Ժողովրդական վերաբերմունքն էր նրա կողմնացույցն ու բարոյագիտական ելակետը: Այդ վերաբերմունքն ու փորձը նրան թելադրում էր մի շատ մեծ իմաստություն՝ բեռնաթավեղ երկրային կյանքի ճնշումներից, ներքևում թողնել առօրյայի ժխորը և տեղավիժվել երկնքի, Անհայտի, տիեզերականի դիրքերը՝ այնտեղից չափելու գոյության խորհուրդները:

Թումանյանը մարդու մեծագույն երջանկությունը համարում էր ամեն ինչի մեջ լինելու, ծավալվելու ու հալվելու զգացմունքը: Աշխարհի հետ ձուլվելու երազը կար դեռ անտիկ արվեստում, — Թումանյանը ձեռք էր մեկնում հին աշխարհի իմաստուններին, աշխարհի ու մարդու հոգեկան դաշինքը համարելով հոգու ազատության, կյանքի հավերժ նորացման ու թարմացման մեծագործ ուժը: Հաճախ էր նա ասում, որ կյանքը էն է՝ տիեզերականը, անհաս, և իր երկնային բարձունքից հորդորում էր բոլոր ադամորդիներին՝ ապրել այդ մեծ, անհատնում, հրաշքներով լի կյանքով:

Թումանյանի տիեզերական մտահորիզոնը կենտրոնախույս հոգեբանության կամ մարդկությունից օտարանալու, «երկնքի թագավորության» մեջ իր «հոգու հայրենիքը» հաստատելու ձգտման արտահայտությունն չէր ամենևին: Երա այն հեռավորությունն էր, որ թափանցիկացնում էր երևույթները և հնարավորություն էր տալիս կյանքի ողբերգական ծավալների կողքին պարզելու նաև աշխարհի հեփիաթային կառուցվածքը:

Հովհ. Թումանյանը, նրա հետ նաև Ավ. Իսահակյանը, լինելով 20-րդ դարի ողբերգական փլվածքների ու հակասությունների ցանցերի մեջ խճճված մարդու ողբերգական ճակատագրի ամենասուր, ամենաազնիվ վերապրողները հայ իրականության մեջ, միաժամանակ այդ ճեղքվածքների ամենահետևողական, ամենահամոզիչ հերքողներն էին:

Ինչո՞վ էր Թումանյանը, մասնավորապես, հերքում աններդաշնակ կյանքն ու քաոսի մեջ խճճված մարդու ողբերգությունը:

Մարդու ողբերգական գոյությունը նա հերքում էր դաժան ճակատագիրն ու մահը գերազանցող ամենահաղթ սիրո երգով («Անուշ»), գործի անմահության պատգամով («Թմկաբերդի առումը»), ժողովրդական վեպի արմատական ու հավերժական ապրումներով («Սասունցի Դավիթ»), անշեջ կրակի ասպետական առասպելով («Փարվանա»), մարդու և տիեզերքի կնքած դաշինքով («Քառյակներ»), իսկական ազատությունից անբաժանելի ծիծաղի վայելքով («Քաջ Նազար»), մաքառման չափանիշներով, արվեստի ու գեղեցկու-

թյան պաշտամունքով («Հաղարան բլրով»), համամարդկային միասնության երազներով, Բաշխողի իր առատությունը ու Տառապածի իր ներումով, ինչպես նաև իր ժողովրդի հավերժության ու կենսունակության այն զաղափարով, որը աշխարհին տված բարձր գնահատականի հետ միասին, Թումանյանին արդիականության կապող կարևոր տվյալն է:

Մարդու ողբերգությունից անցնելով ժողովրդի ողբերգությանը, անհատի ճակատագրից անցնելով հայրենիքի ճակատագրին, Թումանյանը ոչ միայն շունեցավ մայրամուտային ժամերի այն զգացողությունը, որ բնորոշ էր ահա-վոր աղետներից ահաբեկված հասարակական գիտակցությանը, այլև խորացրեց ազգային մաֆաման դարերից եկող ավանդները և վերածնության հույսը հուշակեց որպես համայն հայության նշանաբան:

20-րդ դարի ամենատխուր բանաստեղծության՝ «Հոգեհանգստի» հեղինակը, բանաստեղծություն, որ, ինչպես քննադատ Խ. Սարգսյանն է մեկնաբանում, եկեղեցական աւաւոդսւրսուոնը վերանում է քաղաքացիական մեծ ակտի,— ազգային հոգեհանգստի պատարագիչը ոչ միայն շապրեց «ահեղ դատաստանի» սարսուռը, այլև հանդես բերեց անբարբառելի մի պարզատեսություն, Հայոց լեոնեբի «պայծառ առաւիտսների» ու վերածնության հազվագյուտ, զգաստ կենտրոնացում:

Նրա պայծառատեսության մեջ հնչում էր ոչ թե նորգարյա փրկչության զաղափարախոսությունը, որի տարբերակները տարածված էին դարամուտի մտավոր ակոսներում, այլ իր ժողովրդի դարավոր ուղիների արմատական ճանաչողությունը:

Թումանյանը հալ ժողովրդի էության մեծագույն նախադրե է: Նրա ճանաչողությունը ավելի լայն է, քան «հայ տառապանքի» ողբերդական նվիրումը և Հայաստանի պատմության ու կենցաղի իրադեկությունը:

Նրա մեջ, Լևո. Իսահակյանի բնորոշումով, գործում էր «մի բարդ, անհաղուրդ քառստյան ոգի», որ ձգտում էր ճշմարտությանը, որ թափանցում էր իրերի էության մեջ՝ գտնելու Հայաստանի ապագան:

Հայոց պատմության թումանյանական րնկալման բարձրակետը հայրենիքի և ժողովրդի միասնության, կամ ավելի ճիշտ կլինի ասել՝ ժողովրդի հայրենիքի զաղափարի բյուրեղացումն է:

Ոչինչ նրան ավելի չէր մտահոգում,— որքան «պանդուխտ ժողովրդի», ցաք ու ցրիվ, բաժան-բաժան եղած ժողովրդի ճակատագիրը:

Դեռ դարավերջին նրա ստեղծագործության մեջ այդ ճակատագիրը երևաց հողմացրիվ «երկու սև ամպի» պատկերով.

Վաղուց թողած բարձր ու կանաչ
Գահր իրենց հանգստության,
Երկու սև ամպ հողմի առաջ
Գրնում էին հալածական:

Հողմը, սակայն, չար հոսանքով
Բաժնել, ջոկել չէր կարենում,
Ինչքան նրանց լայն երկայնքով
Դեռ ու դեն էր քրշում, տանում:

Ու անդադար դրնում էին
Քրշված հողմի կատաղությանը,
Իրար կրպած ու միասին,
Երկու սև ամպ, երկու սև ամպ...

«Երկու սև ամպը» այնուհետև հանդիստ չթողեց բանաստեղծին,— երկփեղկված ժողովրդի կենտրոնացումը դարձավ նրա և՛ մեծ բաղձաճեղք, և՛ զուգընթաց ծրագիրը: Երկփեղկվածության հաղթահարումը Թումանյանի երազանքի մի մասն էր:

Թումանյանի խոր միտքը անընդհատ դեղերում էր ժողովրդի պատմության և արդիականության ոլորտներում՝ ամբողջացնելու երազանքը, գանելու ժողովրդի հոգեբանության հարազատ տարրերը: Այս որոնումների մեջ հառնեց մեծ Հուլյսի գաղափարը:

Բնորոշ է, որ Թումանյանը ազգային գոյության մաքառումներում փարեց ո՛չ թե պատմության վերախմբագրված լեզենդին՝ երկիր նախրի տեսիլին, ո՛չ թե հանձնվեց հոգեբանական հետնաշխարհի դյուքանքին, այլ նայեց առաջ, ժողովրդի օրհասի մեջ էլ տեսավ կենդանի Հայաստանը:

Բայց հին ու նոր քո վերքերով կանգնած ես դու կենդանի,
Կանգնած խոհուն, խորհրդավոր, ճամփին հրնի ու նորի,
Հառաչանքով սրտի խորքից խոսք ես ասում աստծո հետ,
Ու խորհում ես խորին խորհուրդ տանջանքներում շարադետ,
Խորհում ես գու էն մեծ խոսքը, որ տի ասես աշխարհին,
Ու պիտ դառնան էս երկիրը, ուր ձգտում է մեր հոգին,—

Հո՛ւլյսի հայրենիք,
Հո՛ւլյսի հայրենիք:

Ազգային անծայր աղետի օրերին՝ հայրենիքի ճգնաժամին գրած «Հայրենիքիս հետ» բանաստեղծությունը կարելի է համարել Թումանյանի երգ երգոցը՝ ուր Հայաստանի պատմական խորհուրդը ներկայացված է բացառիկ ճշգրտությամբ ու ճշմարտության այն չափով, որը կոչվում է պարզատեսություն:

Արդիականությունը հանձնած «Թումանյանական կտակի» մեծ պատվիրաններինց մեկը հայ ժողովրդի փառափառ կողմնորոշման խնդիրն է:

Թումանյանին խորթ էր պատմական դժվարին հարցերի լուծման շտապողականությունը, և, ընդհակառակը, նրա էության մեծ հատկանիշն էր հիմնավորվածությունը:

Այդ բանը առանձնապես երևաց հայ ժողովրդի ապագան Ռուսաստանի հետ կապելու մարգարեության մեջ:

Նրա ողորդական օրինեսացիան քաղաքական հովանավորության սովորական գործողություն չէր և ոչ էլ պատմության շար հողմերի առաջ կանգնած հրկրի փրկության ժամանակավոր ելք:

Ռուսաստանի թումանյանական մեծարումը անբակտելիորեն կապված էր այն հավատի հետ, որ նա ուներ մարդկությանը զբաղեցնող մեծ գաղափարի՝ ազատության գաղափարի հանդեպ:

Ռուս ժողովրդի մեջ,— դատում էր Թումանյանը,— ազատության գաղափարը դարձել է միս ու արյուն, նրա խոր ընդերքից արթնանում է Իլյա Մուրո-

մեցի ժամանակավորապես լռած ոգին, արթնանում է՝ երկրի վրա վառելու ալատության ջահր։ Ուրեմն,— շարունակում է Թումանյանը իր միտքը,— պետք է փարել այդ ժողովրդի արմատականությանը՝ մարդկության աղաւաղության նրա ուխտին, պետք է հրաժարվել խարուսիկ ցնորքներից և ռեալիստական դդաստ հայացքով կշռել հայ ժողովրդի պատմական ճանապարհի տրամաբանությունը։ Այդ տրամաբանությունը նրան բերեց ազատ Ռուսաստանի կողմնորոշմանը։

«Մեր ապագան, ինչպես միշտ ասել եմ և դուք էլ դիտեք, կապված է Ռուսաստանի հետ, իսկ Ռուսաստանն ինչքան ազատ, էնքան լավ թե մեզ համար. թե աշխարհքի»։

Եթե մենք վերհիշենք, թե XIX դարավերջին և XX դարասկզբին ինչ մտայնություններ էին գործում հայկական «արյունոտ ու արցունքոտ» հարցի շուրջը. եթե մենք հիշենք հայկական դատի կենտրոնախույս շահերի ու զարտուղիների ամբողջ բարդությունը, ապա խորապես կհամոզվենք Թումանյանի քաղաքական օրինետացիայի միակության ու խորաթափանցության մեջ։ Հայոց դատի ավանդական պաշտպանը՝ «Ռուսաստանը,— ասում է Թումանյանը,— պետք է վճռի հայկական հարցը», նա պետք է վերջ տա «քաղաքակիրթ աշխարհի խայտառակությունը» և օղնության ձեռք մեկնի «բազմատանջ» ժողովրդին։

Հայոց հարցի Թումանյանական գնահատման մեջ,— իսկ այդ հարցը Թումանյանը կշռում էր թե՛ քաղաքացիական ազատության, թե՛ կուլտուրական մաքառման տեսանկյունով,— առաջին կետը Ռուսաստանից սպասվող լուսն էր։ Բնորոշ է, որ աշխարհի առաջ «հայ ժողովրդի ի խորոց սրտից ասված խոսքից մեկը» Թումանյանը համարում էր այն «ողջույնը», որ հայ ժողովուրդը տվեց ազատարար Ռուսաստանին և որը «աղոթքով» արձանագրվեց ազգային զարթոնքի մեծ գաղափարախոսի՝ ի. Աբովյանի «Վերք»-ում։

Լինելով պատմության ինքնատիպ փիլիսոփա, Թումանյանը Ռուսաստանի ճշմարտության մեջ էր տեսնում ժողովրդի ապագան և, հակառակ ժամանակի «ողբասացների», պարզում քաղաքական ճակատագրի իր հեռատես կոնցեպցիան։

Բնորոշ է նաև այն, որ Թումանյանի կոահումների մեջ Ռուսաստանը սկսում էր տեղ գրավել նաև իր սոցիալական շարժումների առաջադիմականությամբ։ Թումանյանն ընդհուպ մոտեցավ աշխարհի հեղափոխական վերակառուցման գաղափարին։

Երևույթներն իրենց լրիվությամբ բնութագրելու մեծ վարպետը՝ Չարենցը, «եղբայրության շաղախը» մահախոսականում Թումանյանին անվանել է «միջցեղային մերձեցման աշտարակ»։

Ավելի հստակ ու պատկերավոր չէր կարելի որոշել այն դերը, որ խաղացել է Թումանյանը անդրկովկասյան ժողովուրդների եղբայրության ամրապնդման մեջ։ Ժողովուրդներ ի եղբայրությունը Թումանյանի համար ազգամիջյան ընդհարումները կանխելու «սպիտակ դրոշ» կամ հաշտության կոչ լինելուց առաջ մարդկության համամարդկային ընկերաբանության դավանանքի կարևորագույն կետն էր։

Իր ամբողջ էությամբ հակված լինելով դեպի ճշմարտությունը, Թումանյանը ուներ այն խոր համոզմունքը, որ ազգային հակասությունները ժամանակավոր բաներ են, որ ժողովուրդների էությունը խորթ է ազգային թշնամանքի հոգեբանությունը։ Բնորոշ է, որ հայ-ազրբեջանական կամ հայ-վրացական

գարտուղի դիպվածները Թումանյանը միշտ որակում էր ոչ այլ կերպ, քան «թյուրիմացություն» բառով:

«Այո՛, եղել են տխուր միջադեպեր,— դրել է Թումանյանը «Պայծառ էջեր» հոդվածում. -- բայց դրանք կարողացել են միայն պաղեցնել, պղտորել, թունավորել ժամանակավորապես ժողովուրդների հարաբերությունները, էն էլ միշտ վերին խավերում, և շատ-շատ թույնը հասցնել մինչև գործիչների ու հրապարակախոսների լեզուն, բայց էդ թույնը հասցնել մինչև ... ժողովուրդների հոգու խորքը, չի հաջողվել երբեք»:

Սրանով ասված է ամեն ինչ. ժողովուրդների սրբազան կապերն ավելի ուժեղ են, քան աղգային թշնամանքի, աղգային պատենեշների ու միջցեղային հակասությունների նախապաշարմունքները: Թումանյանի կոիվը այդ նախապաշարմունքների դեմ էր:

XX դարի հայ իրականության մեջ Թումանյանը կյանքի մեծագույն վարպետն է:

«Կյանքի վարպետ» հասկացությունը, իհարկե, շատ լայն հասկացություն է, բայց այս դեպքում մենք նկատի ունենք Թումանյանի էության մի գիծը՝ ազնվական-աւուպետական վարքն ու բարքը:

Թումանյանի ժամանակակիցները թողել են մեծաթիվ հիշողություններ: Դրանց միջով կարմիր թելի պես անցնում է Թումանյանի քաղաքացիական ու կենցաղային ասպետության բարձր հատկանիշը: Նա պետք է հասներ ամեն տեղ ու ամենքին, պետք է պաշտպան կանոններ անհատի ու ժողովրդի դատին, պետք է թելադրեր ասպետության «չգրված օրենքները»:

Նրա կյանքը բառիս բուն իմաստով ինքնամոռաց բաշխումի մեծ օրինակ է: «Աստծո նման առատ ու անհատ» Թումանյանը «ուղում էր ամեն տեղ հասնել, ամեն գործի մեջ լինել» (Ավ. Իսահակյան) և կառուցեր մարդկանց ու ժողովուրդներին միացնող հոգեկան կամուրջներ:

Առաջին հերթին՝ մարդասիրության կամուրջը, որը մեր դարաշրջանին անցած Թումանյանական ասպետության օրենսգրքի գլխավոր կետն է:

Թումանյանի մարդասիրությունը ոչ թե որևէ բանաձևի տակ դրված կոչ էր, այլ սովորական կենցաղ, ապրելու ժողովրդական ճաշակ, ոչ թե տոնական համադրեցություն էր, այլ մտերմական, հարադատ ղգացմունք:

Թումանյանի աշխարհըգացման արդիական արժեքները միայն սրանք չեն: Նրա ստեղծագործության մեջ կան դեռևս բացահայտման կարոտ հսկայական գաղափարական-բարոյական կծիկներ, որոնց մեկնաբանողն ու արժանի տերը պետք է լինի մեր ժամանակը:

2

Մեր արդիականության համար որքան հարադատ ու անհրաժեշտ արժեքներ են Թումանյանի աշխարհասիրությունը, էթիկական չափանիշները, աղգային պայծառատեսությունը և պատմական տրամաբանության խորհուրդները, նույնքան էլ թանկ ու կենսունակ են նրա գեղագիտության ոսկյա բանալիները:

Հովհ. Թումանյանի ստեղծագործությունը մեր նորագույն գրականության ամենավստահելի ու ցործարար, միշտ կենդանի ու միշտ պիտանի թիկունքն է:

Թեև նրա «Խոստով Ծափալարհր» մի ժամանակ համարվել է ունիկում և հայ գրականության սուպագային անհաղորդակից, թեև դեռ այսօր էլ շրջանառություն ունի նահապետական գյուղի եզերքին կանգնած թիմաստուն գեղջուկի» և սլարգունակ հեքիաթասացի լեզենդը, բայց պատմության փորձը հերքում է ժամանակի սխալները և կենդանի Թումանյանին կանգնեցնում այդ կանխագուշակությունների դեմ:

Իսկ ո՞րն է այն երևույթի բացատրությունը, որ Թումանյանն է այսօր ժամանակակից գրականության ամենակենդանի աղբյուրը:

Հովհ. Թումանյանը հայ բազմադարյան գրականության խտացումի, հանքագումարի, սինթեզի տիրակալն է, նրա ուղիների ու շավիղների բացառափացումը:

Հազար անգամ իրավացի էր Ավ. Իսահակյանը, որը ասում էր՝ «...Մեր բանաստեղծութեան թոփշը Թումանյանից այն կողմ չի անցել»:

Նրա թոփշի մեջ գործում են հազար ու մի թևեր՝ և՛ Մովսես Խորենացու վաղնջական իմացությունը, և՛ Գրիգոր Նարեկացու աստվածավեճը, և՛ Ֆրիկի հավերժական զանգատը, և՛ ժողովրդական հայրենների ասպետական սիրո խորհուրդը, և՛ միջնադարյան քնարերգության հույսած ճեղքի լույսը...», և՛ Սայաթ-Նովայի բոցավառումը, և՛ Աբովյանի վիրավոր հոգու ծառացումը, և՛ Պ. Դուրյանի տրտունջը, և՛ Ռ. Պատկանյանի երգերի շատաշը, և՛ Մ. Նալբանդյանի աղատության գոչումը, և՛ Հ. Հովհաննիսյանի աղգային փրկության ավետիսը: Հայ գրականության մեջ չկա մի գերիշխող գաղափար ու բովանգակություն, որ անցած չլինի թումանյանական աշխարհի հնոցով:

Սպունգի նման ներծծելով հայոց պատմության խորքերով տեղաշարժված հայ գրականության հոգևոր փորձն ու դարերի մեջ թանձրացած իմաստությունը, Թումանյանը իրավունք ստացավ կրելու «Ամենյան Հայոց բանաստեղծ» սլափանունը:

Այս կերպարանավորության մեջ վճռական դեր ունեցան երկու գործոն՝ Մեկն այն է, որ Թումանյանը դարձավ իրենից առաջ եղած գեղարվեստական ավանդների տիրակալը, մյուսը՝ իր ժողովրդի ազգային ոգու և հոգեկան զանձների տիրակալը:

Այս ճշմարտությունը հայտնագործեց Չարենցը՝ հայ գրականության նոր ֆանապարհի որոնման պահին.

Նա մեծ էր հոգով, արյունով:— Արմատներ ուներ նա հոգում,
Իր երգերը—գեղջուկ նաիրցու բրտինքով էր նա ողողում:
Հանճարեղ երգերում նրա,— իր երկրի արևն էր շողում,
Նա մեծ էր հոգով, արյունով:— Արմատներ ուներ նա հոգում:

«Արմատներ ուներ նա հոգում...»:

Արմատներից ամենաարմատականը, հետևաբար և ամենաարդիականը, ժողովրդական աշխարհի ու ոգու հավերժական սկզբունքների թումանյանական բմբունումն էր:

Գրել են և շարունակում են հայտարարել, որ Թումանյանը հեքիաթներ է պատմում, հեքիաթ է ասում,— չնկատելով, որ դրանով տալիս են ամենաբարձր գնահատականը:

Մի՞թե հին Հելլադայի հեքիաթը չեն հոմերոսյան պոեմները, մի՞թե վրացական ոգու հեքիաթը չէ «Վազրենավորը», մի՞թե իսպանական հողի հեքիա-

թի հերոսը չէ սերվանտեսյան տխրակերպ ասպետը՝ Դոն-Քիշոտը, մի՞թե հեքիաթ չէ աշխարհի ամենամեծ սատիրան՝ «Գուլիվերի ճանապարհորդություններ»:

«Հեքիաթի մասին ոչ միայն մեր «երջանիկ» աշխարհքում, — ավելի լավ երկրներում էլ դեռ պարզ հասկացողություն չունեն, — դրել է Թումանյանը մի նամակում: — Դա դրականության մեջ ամենաբարձր արտահայտությունն է, ուր ամբողջը հավիտենական սիմվոլներ են»:

Եվ եթե այսօր «Անուշը» երևում է որպես նահապետական Հայաստանի ողբերգական սիրավեպի հեքիաթ, «Թմկաբերդի առումը»՝ պատմական Հայաստանի կյանքից քաղված ավանդություն, «Հառաչանքը»՝ հայ գյուղացու ընդվզումից ու զանգատից պատմող հեքիաթ, «Զարի վերջը»՝ մի սովորական առակ, — եթե այսօր թումանյանական բոլոր գործերի վրա երևում է կախարդականի կնիքը և բոլոր գործերը դարձել են մանկական ընթերցանության նյութեր, — ապա դա ամենամեծ փաստումն է այն բանի, որ Թումանյանի ժողովրդաճանաչումը կատարյալ է ու անթերի:

Դա նշանակում է, որ Թումանյանը հասել է հավիտենական սիմվոլների արվեստի բարձունքին՝ ժողովրդական ոգու մի այնպիսի ինֆնակալության, որի «կախարդական լապտերի» ճառագած լույսը ժամանակային ավելի մեծ տարածություններ է լուսավորելու:

Թումանյանը գեղագիտորեն հայտնագործեց ժողովրդական աշխարհի ու կյանքի հեքիաթը, բերեց մի հայացք, ուր տեղ ունեն և՛ մանկան անմիջական, բուռն հրճվանքը, և՛ ներհուն փիլիսոփայի անդունդներ չափող խորությունը, և՛ ֆանտաստի երևակայության թռիչք, և՛ ռեալիստ մտածողի ղգաստությունը, և՛ երազողի միշտ դալար հույսը, և՛ մաքառողի միշտ կենդանի ոգին:

Թումանյանի աշխարհգագաման լայնությունը, հոգու և մտքի լայնությունը եղավ նաև նրա ոճը: Այդ լայնությամբ նա նվաճեց ոճի ամենամեծ ճշմարտությունը՝ պարզությունը: Իհարկե, դեռ այսօր էլ, ինչպես Թումանյանի ժամանակ, տրտունջներ են լսվում այդ պարզության հասցեին, — չխորանալով այն «հրաշքի» մեջ, որ կոչվում է բումանյանական ինֆնատիկություն:

Բանի էությունն այն է, որ Թումանյանի հանրամատչելիության, սովորականության մեջ շնչում է դարերի բյուրեղացումը, նրա սովորական բարբառով խոսում է ծածկոցներն ու կեղևները դեն նետած և միայն խորքերի մեջ կենտրոնացած այն իմաստունը, որը կարողացավ զարմանալիորեն պարզեցնել աշխարհի բարդ կապերը և կարողացավ այդ կապերի մեջ ճանաչել հավերժականի շունչը: Կյանքի, պատմության, մարդկային ճակատագրի հավերժականության ըմբռնումը որոշեց Թումանյանի արվեստի պարզությունը:

Դա մեծ, հարուստ, իմաստուն կյանքի ոճն է:

Թումանյանական պարզությունը պատմության ու տիեզերքի գաղտնիքների մեջ ներսուզված, աշխարհի մասին մեծ չափանիշներով մտածող արվեստի հատկանիշն է: Իրավացի է թումանյանագետի այն դատումը, որ Թումանյանը մոնումենտալիստ է: Այստեղ էլ պետք է որոնել նրա ջինջ պարզության «հանելուկը»: Մոնումենտալը միշտ հստակ է ու թափանցիկ:

Թումանյանի Բերքուրյան արվեստի մյուս հարստությունը, որից առանձնապես շատ բան պետք է քաղի ժամանակակից դրականությունը, «ազգային ճնշեալներ» հայտաբերումն է։

Ամեն մի ժողովուրդ ունի պատմելու, մտածելու, զգալու, իմաստաբանելու, խրատելու, ծիծաղելու, երազելու, ներելու, հրճվելու, թախծելու և այլնի իր ազգային կերպն ու տեսանկյունը, ունի իր ազգային ինտոնացիան։

Թումանյանի ժողովրդաճանաչումը, որ հազվագյուտ էր, այդ ժողովրդաճանաչումը նրա առաջ պարզեց ազգային հնչերանգի ու պատումի, ազգային զգացմունքի ու խելքի, ճաշակի ու պատկերային մտածողության հիմքերը։

Թերևս չափազանցություն է Ստ. Զորյանի կարծիքը, թե Թումանյանը «գրեթե միակն է», որ տիրապետում է հայի ազգային ոճին, բայց միակը չլինելով, նա է իսկապես «ազգային ոճի մեծագույն վարպետը»։ Նա է հայ դրականության «հայկականության» խտացումը։

Ազգային ոճի հայտաբերումը կապված է Թումանյանի գեղագիտության մեջ ծանրության կենտրոն դարձած այն հայացքի հետ, որը ձևակերպվել է «Բնաշխարհիկ գրականություն» անունով։

Հայ նոր դրականության դարգացման իր տեսական կառուցումներում Թումանյանը տարբերում էր երկու հայացք՝ ժողովրդի հետ-ի և ժողովրդի մեջ-ի հայացքները։ Դրանք ոչ միայն նույն բանը չեն, այլև տարբեր բաներ են։

1907-ին Թիֆլիսում կարգացած «Կյանք և դրականություն» նշանավոր դասախոսության մեջ, «պանդուխտ» հոսանքի հեռահար ժողովրդասիրությանը նա հակադրում էր դրականության խոփը ժողովրդի կյանքի ու կենցաղի միջով անցկացնելու, կյանքի իրական կնճիռներին ու մարդու իրական գիտակցությանը դառնալու հայացքը։

Դա նշանակում էր արվեստի ժողովրդայնության բարձր ու անթերի որակը։ Դա հռչակում էր ժողովրդական աշխարհի հոգեկան արժեքների նվաճման նոր աստիճանը։

Խնդիրն այնպես չպետք է պատկերացնել, թե հայ դրականությունն անցյալում հեռու է կանգնած եղել ժողովրդի տառապանքից ու մաքառումից։ Թումանյանը խնդիր էր դնում՝ մոտ կանգնել կյանքին, ժողովրդական աշխարհին ու տարերքին, այստեղից քաղել ոչ միայն նյութը, այլև մարդկային բովանդակությունը, այլև գեղագիտական իդեալը։ Ժողովրդին համարելով դրականության միակ կենդանի աղբյուրը, Թումանյանը նկատի ուներ ոչ միայն կյանքի հակապատկերների ռեալիստական արտացոլումը, ոչ միայն սոցիալական իրականության ճանաչումը, այլև մարդու ներքին արժեքի ու հոգեկան խորությունների հայտաբերումը։

Թումանյանը ոչ թե թեմատիկորեն, այլ՝ գեղագիտորեն նվաճեց ժողովրդական աշխարհն ու տարերքը, կյանքի սոցիալական կառուցվածքի ու մարդու սոցիալական հոգեբանության հետ միասին արտահայտեց իր գեղագիտական բարձր իդեալը, որի էությունը ոչ ռոմանտիկական դրականության «հերոսի պաշտամունքն էր», ոչ «մեծ անհատի» գովերգությունը, այլ սովորական մարդը, որի ասլուքների ու մտքերի հորիզոնը գովանելով հերկվող արտից ձգվում է մինչև աստղային հեռաստանները, չուլա նեղ ձորերից մինչև

տիեզերքի բարձունքները, հայտնի կապերից մինչև Անհայտի գալտնիքները:

Ժամանակի «սոցիալական ճշմարտությունը» գումարելով մարդու էպիկական արժեքը և ժողովրդի պատմական կյանքի հեռանկարը, Թումանյանը բերեց դեղագիտական իդեալի նոր որակ, մարդու արժեքավորման նոր տեսանկյուն, պատմության ու ժողովրդի միասնության նոր հայացք, որը որոշում է գրականության դարգացման նոր ճանապարհը:

Թումանյանի աշխարհզգացման նոր որակը արդիականության համար գիտական հարցասիրության առարկա լինելուց առաջ գործնական պատվիրան է: Հետևել այդ պատվիրանին՝ նշանակում է խորացնել գրականության ռեալիստական բովանդակությունը, լայնացնել նրա գեղարվեստական հնարավորությունները, նվաճել արվեստի ժողովրդական-ազգային հիմքերը:

Ճիշտ է ասված, որ գրական ավանդները ոչ խնդրանքով են շարունակում, ոչ էլ հրամանով, այլ՝ ներքին պահանջով: Այս բանը խորապես գիտակցում էին նորագույն գրականության մեծերը՝ Դ. Դեմիրճյանը, Ե. Չարենցը, Ստ. Զորյանը, Ա. Բակունցը և վարպետաց վարսեւտի աչից առնում արդիականության հասույթները:

Թումանյանի քերթության արվեստի մեջ վերին աստիճանի ժամանակակից է հնչում գրականության դերի նրա ըմբռնումը, որ պատվիրանի նման կարող է դրվել գրական «բոլոր մուտքերի» ճակատին. «Այո, գրականությունը հայելի չէ լոկ և եթե հայելի էլ ասենք, ապա շատ տարօրինակ ու կախարդական հայելի է նա: Նա ոչ միայն արտացոլում է ժամանակը և իր դեպքերն ու դեմքերը, այլև տալիս է իր լույսն ու ջերմությունը կյանքին, և ձգտում է կյանքում ստեղծել էն վեհ ու վսեմ, էն մաքուր ու անաղարտ պատկերը, որ տվել է նրան աստված, կադմված ու հյուսված բնության ամենամաքուր տարրերից:

Եթե գրականությանը կյանքի հայելին ասենք, ապա գրականության ամեն տեսակի ստեղծագործությունների ազդյուրը ամենից առաջ մարդու սիրտն է: Եվ երբ էսպես է, աշխատեցեք ձեր սրտերը պահել մաքուր և աշխարհքին ու մարդուն նայեցեք բարի սրտով ու պայծառ հայացքով: Եվ արդեն բանաստեղծության բնությունն է էդպես ծնունդից: Դիցարանությունն ասում է, թե Ապոլլոնը, որ բանաստեղծությունն է ներկայացնում և արևն է միաժամանակ, իր կյանքում երբեք մութ ու մռայլ չէ տեսած, որովհետև արևն է ինքը և իր հայացքն արև է, և ամեն մռայլ չբանում է նրա հայացքից:

Արևի նման նայեցեք աշխարհքին»:

Արդի հայ գրականությունը շատ բան ունի քաղելու նաև հայոց գրական լեզվի քուժանլանական տեսությունից: «Լեզվի գործին հաստատ ազգային դրոշմ ու հիմք տալու համար պետք է հիմնվել ժողովրդի կենդանի լեզվի, ճշգրտ ու օրենքների վրա», սա է այն վերին խորհուրդը, որ անցնում է Թումանյանի բոլոր «լեզվաբանական մտորումների» միջով:

Ինչպես պատմության կյանքի այլևայլ երևույթները պնդելիս, այնպես էլ գրական լեզվի շինարարության խնդիրն արժարժելիս, Թումանյանը առաջնությունը տալիս է ոչ թե ձևին, այլ իմաստին, ոճին, ոգուն: Ոգու այդպիսի մի ամուր ու հաստատուն բերզ էր համարվում ժողովրդական կենդանի խոսքը՝ հազարագույն հայոց լարբաոր, որի օրենքներին հետևելը, Թումանյանի հա-

յացրով, այն ճանապարհն է. ուր հաստատվում է գրականության լեզվի ազգային հիմքը, ի տարբերություն «խորթ խանձարություն» դարգացող, «խոսքը հայերեն, ձեռն օտաւ» լեզվամոռացության:

Թումանյանի լեզվամոռացության շուրջը տարիներ շարունակ՝ դեռ Տերյանի օրոք սկսված ու այնուհետև շարունակված վեճերը ավարտելով լեզվի «զավառական հատկանիշների» ու «գեղջկական ինտոնացիայի» սահմանում, մոռացության է մատնվել հիմնականը՝ լեզվի բնաշխարհիկ, ժողովրդական հոսանքի մեջ Թումանյանի նկատած ազգային ոգին ու օրենքը:

Մտածողության ու արտահայտման արմատական սկզբունքն էր թելադրում Թումանյանին՝ ասպարեղ հանելու ժողովրդական աղբյուրների օգտագործման հրահանգը. (բոլոր զավառական բարբառներից ճամփա բացել դեպի գրական լեզվի կենտրոնը) և ոչ թե՛ գեղջկական-ազգագրական կոտորիտի լավական նեղահայաց սերը, ինչպես կարծում են Թումանյանի լեզվի հին ու նոր հերքողները:

*

Ռուս անվանի գրող և գրականագետ Կորնեյ Չուկովսկին Հովհ. Թումանյանին նվիրած իր հոդվածը վերնագրել է՝ Վ. Բրյուսովի հետևյալ տողով՝ «...и первой первая любовь»: Արդարև, այդպիսին է հայ ժողովրդի վերաբերմունքը դեպի իր ազգային մեծ բանաստեղծը, որի յուրաքանչյուր խոսք այնպես է մերվել ժողովրդի կյանքին, որ համարյա դարձել է «ԲԵՆԱՌՈՒՄ-տիական ճշմարտություն»:

Հեղուն նոր բացված երեխայից մինչև բաղմավորձ ծերունին, գրի երես չտեսած սովորական գեղջուկից մինչև բարձրակիր ժողովրդական, բոլորը. բոլորը, շարունակ ու միշտ դիմում են Թումանյանի կախարդական աշխարհին՝ նրանից լսելու ճշմարտության դասական բնորոշումները:

Թումանյանը հայ ժողովրդի իմացության ու խորհուրդների հանրագիտարանն է: Մանկան համար նա մանուկ է, քաղաքագետի համար քաղաքագետ, դիվերի հետ՝ դիվեր, գեղջուկի համար՝ գեղջուկ, սիրահարի հետ՝ սիրահար, փիլիսոփայի համար՝ փիլիսոփա, բնապաշտի հետ՝ բնապաշտ, երագասերի համար՝ երագասեր:

Բոլորի համար մեծ Թումանյան, որի հին օրհնությունը ուղեկցում և ուղեկցելու է սերունդներին, որպես հավերժական պատգամ: «Ճանկական բռնակալության անկումով ու հայկական հարցի բարեհաջող լուծումով մեր ազգի առջև էլ նոր հորիզոններ են բացվում: Հնարավորություն ենք ստանում ապրելու շատ ավելի գեղեցիկ ու խոր դրացմունքներով, մտնելու հառաջագիմ ազգերի եղբայրության մեջ ու նրանց հետ երագելու կյանքի վսեմ երագները. նրանց հետ միասին մասնակից լինելու համամարդկային մեծ խնդիրների մշակույթի աղնիվ գործին ու նրանց հետ միասին գնալու դեպի մեծ կյանքը:

Եվ մեր բախտավորությունն այն է, որ մենք միանգամայն ընդունակ ենք սրան, և էստեղ է, որ կարող ենք ասել՝ փոքր ժողովուրդ չենք մենք...

...Սրա մեջն է մեր իրավունքի ամբողջ վսեմությունը: